

Суббота мясопустная. Парастас

В ПЯТОК ВЕЧЕРА

Память совершаем всех от века усопших православных христиан, отец и братья наших.

По предначинательном псалме, и обычном стихословии,

НА ГОСПОДИ ВОЗЗВАХ, ПОСТАВИМ СТИХОВ 6:

И поем Осмогласника стихиры мученичны три, рядоваго гласа:

И Триоди подобны, три. Глас 8.

Подобен: Во Едеме рай:

От вѣка мертвых днесь всех по имени, / вѣроу поживших благочѣстно, / память сотворяюще вѣрнии, / Спа́са и Господа воспоим, просяще прилѣжно / сѣм в час суда ответ благий дати, / Тому Самому Бо́гу нашему, / все́й судящему земли, / десна́го Его предстояния получитьи в радости, / в части праведных, и во святых жрѣбии свѣтлем, // и достойным быти Небеснаго Ца́рствия Его́.

Твоею кровию человеки Спасе искупивый, / и смѣртию Твоею от смерти горькия изба́вивый нас, / и жизнь вечную подай нам Воскресѣнием Твоим, / вся упокой Господи, усопшия благочѣстно, / или́ в пустынях, или во градах, или в мѣри, / или на земли, или на всяком мѣсте: / ца́ри же, священники, архиере́и, / мона́хи, и бельцы в возрасте всяком всерѣдном, // и сподоби я Небеснаго Ца́рствия Твоего́.

Из мѣртвых востанием Твоим Христѣ, / не ктому́ смерть обладает умершими благочѣстно. / Темже мо́лимся прилѣжно: / рабы́ Твоя упокой во двѣрех Твоих, / и в нѣдрех Авраама, от Адама да́же до днесь, / послужившия Тебѣ чѣсто, / отцы́ и братию нашу, / дру́ги вкупе и срѣдники, / всякаго человека, в житии послуживша вѣрно, / и к Тебѣ преставльшася многовидно и многообразно, Бо́же, // и сподоби я Небеснаго Ца́рствия Твоего́.

Слава, глас 8:

Плачу и рыдаю,/ егда помышляю смѣрть,/ и вижду во гробѣх лежащую/ по образу Божию созданную нашу красоту,/ безобразну, и безславну,/ не имущую вида./ Оле чудесѣ!/ Что еже о нас сие бысть таинство?/ Како предахомся тлѣнию?/ Како припрягохомся смѣрти?/ Воистинну Божиим повелѣнием,/ якоже ѣсть писано,// подающаго преставльшимся покой.

И ныне, Богородичен первый, гласа.

Свете тихий:

Вместо же прокимена поем Аллилуия, на глас 8:

Стих: Блажени, яже избрал и приял еси Господи, и память их в род и род. **Стих:** Души их во благих водворятся.

НА СТИХОВНЕ

**мученичен гласа, и два мертвена, Иоанна Дамаскина:
Стихи же припеваем вышереченныя.**

Слава, глас 6:

Начаток ми и состав зиждительное Твое бысть повелѣние:/ восхотев бо от невидимаго и видимаго естества жива мя составити,/ от земли убо тело создав, дал же ми еси дѹшу,/ Божественным Твоим и животворящим вдохновѣнием./ Темже Спасе, рабы Твоя во странѣ живых,// и в кровех праведных упокой.

И ныне, Богородичен, глас тойже:

Молитвами Рождшия Тя Христѣ,/ мученик Твоих и апостол, и пророк, и святителей,/ преподобных, и праведных, и всех святых,// усопшия рабы Твоя упокой.

Ныне отпускаеши:

Тропарь, глас 8:

Глубиною мудрости человеколюбно вся стрóяй,/ и полезное всем подава́яй,/ еди́не Содéтелю, упокой Господи, души ра́б Твои́х:/ на Тя́ бо упováние возложи́ша,// Творца́ и Зижди́теля и Бога на́шего.

Слава, и ныне, Богородичен, глас тойже:

Тебе́ и стéну, и́ пристанище и́мамы,/ и моли́твенницу благоприятну к Бо́гу,// Егóже родила́ еси Богородице безневестная, верных спасéние.

Ектения, и отпуст.

По отпущении же Вечерни, творим в притворе паннихиду за усопших, и поем канон рядоваго гласа мертвым.



НА УТРЕНИ

По шестопсалми, Аллилуия, на глас 8.

Тропарь: Глубиною мудрости человеколюбно вся стрóяй,/ и полезное всем подава́яй,/ еди́не Содéтелю, упокой Господи, души ра́б Твои́х:/ на Тя́ бо упováние возложи́ша,// Творца́ и Зижди́теля и Бога на́шего.

Дважды.

Слава, и ныне, **Богородичен:**

Тебе́ и стéну, и́ пристанище и́мамы,/ и моли́твенницу благоприятну к Бо́гу,// Егóже родила́ еси Богородице безневестная, верных спасéние.

И обычное стихословие. Чтутся же и слова о мертвых: к Коринфяном в 1-м послании.

Поют же ся и Непорочны на две статьи, с припевы: Благословен еси Господи, научи мя: на глас 5.

КАФИСМА СЕДМНАДЦАТАЯ

Аллилуиа, 118

1

Т. I
Т. II

Бла - же - ни не - по - роч - ни - и в путь, хо - дящи в законе Гос -

Бар.
Б.

под - ни. Бла - го - сло - вен е - си, Гос - по - ди.

2

Бла - жени испытающи - и сви - де - ни - я Е - го, всем серд - цем

взы - шут Е - го. Бла - го - сло - вен е - си, Гос - по - ди.

3. не де́лающи бо беззакóния, в путéх Его ходи́ша.
4. Ты заповéдал еси́ за́поведи Твоя́ сохра́нити зело́.
5. Да́бы испра́вились путиé мой, сохра́нити оправда́ния Твоя́.
6. Тогда́ не постыжуся́, внегда́ призрети́ ми на вся за́поведи Твоя́.
7. Испове́мся Тебе́ в пра́вости се́рдца, внегда́ научи́ти ми ся судьба́м пра́вды Твоея́.
8. Оправда́ния Твоя́ сохра́ню, не оста́ви мене́ до зела́.
9. В чесóм испра́вит юне́йший путь свой; внегда́ сохра́нити словеса́ Твоя́.
10. Всем се́рдцем моим взыска́х Тебе́, не отри́ни мене́ от за́поведей Твои́х.
11. В се́рдце моём скрых словеса́ Твоя́, я́ко да не согрешу́ Тебе́.
12. Благословéн еси́ Го́споди: научи́ мя оправда́нием Твои́м.
13. Устна́ма моима́ возвестих́ вся судьбы́ уст Твои́х.
14. На пути́ свидéний Твои́х наслади́хся, я́ко о вся́ком богáтстве.
15. В за́поведех Твои́х поглумлю́ся, и уразуме́ю пути́ Твоя́.

16. Во оправданиих Твоих поучуся, не забуду словес Твоих.
17. Воздаждь рабу Твоему: живи мя, и сохраню словеса Твоя.
18. Открой очи мои, и уразумею чудеса от закона Твоего.
19. Пришлец аз есмь на земли: не скрый от мене заповеди Твоя.
20. Возлюбил душа моя возжелати судьбы Твоя на всякое время.
21. Запретил еси гордым: прокляти уклоняющиеся от заповедей Твоих.
22. Отыми от мене понос и уничижение, яко свидений Твоих взысках.
23. Ибо седоша князи, и на мя клеветашу, раб же Твой глумляшеся во оправданиих Твоих:
24. Ибо свидения Твоя поучение мое есть, и совети мои оправдания Твоя.
25. Прильпе земли душа моя: живи мя по словеси Твоему.
26. Пути моя возвестих, и услышал мя еси: научи мя оправданием Твоим:
27. Путь оправданий Твоих вразуми ми, и поглумлюся в чудесех Твоих.
28. Воздрема душа моя от уныния: утверди мя в словесех Твоих.
29. Путь неправды отстави от мене, и законом Твоим помилуй мя.
30. Путь истины избових, и судьбы Твоя не забых.
31. Прилепихся свидением Твоим, Господи, не посрами мене.
32. Путь заповедей Твоих текох, егда расширил еси сердце мое.
33. Законоположи мне, Господи, путь оправданий Твоих, и взыщу и выну:
34. Вразуми мя, и испытаю закон Твой, и сохраню и всем сердцем моим.
35. Настави мя на стезю заповедей Твоих, яко тую восхотех.
36. Приклони сердце мое во свидения Твоя, а не в лихоймство.
37. Отврати очи мои, еже не видети суеты, в пути Твоем живи мя.
38. Постави рабу Твоему слово Твое в страх Твой.
39. Отыми поношение мое, еже непщевах: яко судьбы Твоя благи.
40. Се возжелал заповеди Твоя, в правде Твоей живи мя.
41. И да приидет на мя милость Твоя Господи, спасение Твое по словеси Твоему.
42. И отвечаю поношающим ми слово: яко уповах на словеса Твоя.
43. И не отыми от уст моих словесе истинна до зела, яко на судьбы Твоя уповах.
44. И сохраню закон Твой выну, в век и в век века.
45. И хождях в широте, яко заповеди Твоя взысках.
46. И глаголах о свидениях Твоих пред царя, и не стыдяхся:
47. И поучахся в заповедех Твоих, яже возлюбих зело:
48. И воздвигох руке мои к заповедем Твоим, яже возлюбих, и глумляхся во оправданиих Твоих.
49. Помяни словеса Твоя рабу Твоему, ихже упование дал ми еси.
50. То мя утеши во смирении моем, яко слово Твое живи мя.
51. Гордии законопреступоваху до зела: от закона же Твоего не уклонихся.
52. Помянух судьбы Твоя от века, Господи, и утешихся.

53. Печаль прият мя от грешник, оставляющих закон Твой.
54. Пета бяху мне оправдания Твоя, на месте пришельствия моего.
55. Помянух в ночи Имя Твое, Господи, и сохраних закон Твой.
56. Сей бысть мне, яко оправданий Твоих взысках.
57. Часть моя еси, Господи, рех сохранити закон Твой.
58. Помолихся лицу Твоему всем сердцем моим: помилуй мя по словеси Твоему
59. Помыслих пути Твоя, и возвратих ноге мой во свидения Твоя.
60. Уготовихся и не смутихся сохранити заповеди Твоя.
61. Ужя грешник обязашася мне, и закона Твоего не забых.
62. Полунощи востах исповедатися Тебе о судьбах правды Твоея.
63. Причастник аз есмь всем боящимся Тебе, и хранящим заповеди Твоя.
64. Милости Твоея, Господи, исполнь земля: оправданием Твоим научи мя.
65. Благость сотворил еси с рабом Твоим, Господи, по словеси Твоему.
66. Благости, и наказанию и разуму научи мя, яко заповедем Твоим веровах.
67. Прежде даже не смирити ми ся, аз прегреших: сего ради слово Твое сохраних.
68. Благ еси Ты, Господи, и благостию Твоею научи мя оправданием Твоим.
69. Умножися на мя неправда гордых, аз же всем сердцем моим испытую заповеди Твоя.
70. Усырися яко млеко сердце их, аз же закону Твоему поучихся.
71. Благо мне, яко смирил мя еси, яко да научуся оправданием Твоим.
72. Благ мне закон уст Твоих, паче тысяч злата и сребра.

Слава Отцу и Сыну и Святому Духу, и ныне и присно и во веки веков. Аминь. Аллилуиа, аллилуиа, аллилуиа, слава Тебе, Боже. **Трижды.** Господи, помилуй. **Трижды.** Слава Отцу и Сыну и Святому Духу и ныне и присно и во веки веков. Аминь.

73. Руце Твои сотвористе мя, и создасте мя: вразуми мя, и научуся заповедем Твоим.
74. Боящиеся Тебе узрят мя и возвеселятся, яко на словеса Твоя уповах.
75. Разумех Господи, яко правда судьбы Твоя, и воистинну смирил мя еси.
76. Буди же милость Твоя, да утешит мя по словеси Твоему рабу Твоему.
77. Да приидут мне щедроты Твоя, и жив буду, яко закон Твой поучение мое есть.
78. Да постыдятся гордии, яко неправедно беззаконноваша на мя, аз же поглумлюся в заповедех Твоих.
79. Да обратят мя боящиеся Тебе, и ведающие свидения Твоя.

80. Буди сердце мое непорочно во оправданиях Твоих, яко да не постыжуся.
81. Исчезает во спасение Твое душа моя, на словеса Твоя уповах.
82. Исчезоша очи мои в слово Твое, глаголюще: когда утетиши мя;
83. Зане бых яко мех на слане: оправданий Твоих не забых.
84. Колико есть дней раба Твоего; когда сотвориши ми от гонящих мя суд;
85. Поведаша мне законопреступницы глумления, но не яко закон Твой, Господи.
86. Вся заповеди Твоя истина: неправедно погнаша мя, помози ми.
87. Вмале не скончаша мене на земли: аз же не оставих заповедей Твоих.
88. По милости Твоей живи мя, и сохраню свидения уст Твоих.
89. Во век, Господи, слово Твое пребывает на Небеси.
90. В род и род истина Твоя. Основал еси землю, и пребывает.
91. Учинением Твоим пребывает день, яко всяческая работна Тебе.

92

Т. I
Т. II
Бар.
Б.

Я - ко еще бы не закон Твой поучени - е мо - е был,
то - гда убо погибл бых во сми - ре - ни - и мо - ем.
Бла - го - сло - вен е - си, Гос - по - ди.
Во век не забуду о - прав - да - ний Тво - их, я - ко в них о - жи -
вил мя е - си. Бла - го - сло - вен е - си, Гос - по - ди.

Малая заупокойная ектения.

СТАТИЯ ВТОРАЯ

94

Т. I
Т. II

Твой есмь аз, спа-си мя, я-ко оправданий Тво-их взы-сках.

Бар.
Б.

95

Спа - се, спа-си мя. Ме-не ждаша грешницы по-гу-би - ти мя,

сви-де-ни-я Тво-я ра-зу-мех. Спа - се, спа-си мя.

96. Всякія кончіны відех конєц, широка́ за́поведь Тво́я зело́.
97. Ко́ль возлюбіх зако́н Тво́й, Го́споди, весь день поучє́ние моє́ есть.
98. Па́че враг мо́их умудри́л мя еси́ за́поведию Твоє́ю, я́ко в век мо́я есть.
99. Па́че всех уча́щих мя разумє́х, я́ко свидє́ния Тво́я поучє́ние моє́ есть.
100. Па́че ста́рец разумє́х, я́ко за́поведи Тво́я взыска́х.
101. От вся́каго пу́ти лука́ва возбра́них нога́м мо́им, я́ко да сохра́ню сло́веса́ Тво́я.
102. От суде́б Тво́их не уклони́хся, я́ко Ты законоположи́л ми еси́.
103. Ко́ль сладка́ гортани́ моему́ сло́веса́ Тво́я, па́че ме́да усто́м мо́им.
104. От за́поведей Тво́их разумє́х, сего́ ра́ди возненави́дех всяк пу́ть неправды́.
105. Свети́льник нога́ма мо́има зако́н Тво́й, и свет стезя́м мо́им.
106. Кля́хся и поста́вих сохра́нити судьбы́ пра́вды Твоє́я.
107. Смирі́хся до зела́, Го́споди, живи́ мя по сло́веси́ Твоєму́.
108. Во́льная уст мо́их благово́ли же, Го́споди, и судьба́м Тво́им научи́ мя.
109. Душа́ мо́я в руку́ Твоє́ю вы́ну, и зако́на Твоєго́ не забы́х.
110. Положи́ша гре́шницы сеть мне́, и от за́поведей Тво́их не заблуди́х.
111. Насле́довах свидє́ния Тво́я во век, я́ко ра́дование се́рдца моего́ суть.
112. Приклони́х се́рдце моє́ сотвори́ти оправда́ния Тво́я в век за воздая́ние.
113. Законопресту́пныя возненави́дех, зако́н же Тво́й возлюбі́х.
114. Помо́щник мой и Засту́пник мой еси́ Ты, на сло́веса́ Тво́я упова́х.
115. Уклони́теся от мене́ лука́внующи́и, и испыта́ю за́поведи Бо́га моего́.
116. Заступи́ мя по сло́веси́ Твоєму́, и жив бу́ду, и не посрами́ мене́ от ча́яния моего́.
117. Помози́ ми, и спасу́ся, и поучу́ся во оправда́ниих Тво́их вы́ну.

- 118.** Уничижил еси вся отступающия от оправданий Твоих, яко неправедно помышление их.
- 119.** Преступающия непщевах вся грешныя земли, сего ради возлюбих свидения Твоя.
- 120.** Пригвозди страху Твоему плоти моя, от судёб бо Твоих убояхся.
- 121.** Сотворих суд и правду, не предаждь мене обидящим мя.
- 122.** Восприими раба Твоего во благо, да не оклеветают мене гордии.
- 123.** Очи мой исчезосте во спасение Твое, и в слово правды Твоея.
- 124.** Сотвори с рабом Твоим по милости Твоей, и оправданием Твоим научи мя.
- 125.** Раб Твой есмь аз: вразуми мя, и увем свидения Твоя.
- 126.** Время сотворити Господеви: разорisha закон Твой.
- 127.** Сего ради возлюбих заповеди Твоя паче злата и топазия.
- 128.** Сего ради ко всем заповедем Твоим направляхся, всяк путь неправды возненавидех.
- 129.** Дивна свидения Твоя, сего ради испытá я душа моя.
- 130.** Явление словес Твоих просвещает и вразумляет младенцы.
- 131.** Уста моя отверзох, и привлекох дух, яко заповедей Твоих желáх.

Слава Отцу и Сыну и Святому Духу, и ныне и присно и во веки веков. Аминь. Аллилуиа, аллилуиа, аллилуиа, слава Тебе, Боже. **(Трижды).** Господи, помилуй **(трижды).** Слава Отцу и Сыну и Святому Духу и ныне и присно и во веки веков. Аминь.

- 132.** Призри на мя и помилуй мя, по суду любящих имя Твое.
- 133.** Стопы моя направи по словеси Твоему, и да не обладает мною всякое беззаконие.
- 134.** Избави мя от клеветы человеческия, и сохраню заповеди Твоя.
- 135.** Лице Твое просвети на раба Твоего, и научи мя оправданием Твоим.
- 136.** Исходища водная изведосте очи мой, понеже не сохраних закона Твоего.
- 137.** Праведен еси, Господи, и прави суди Твой.
- 138.** Заповедал еси правду свидения Твоя и истину зело.
- 139.** Истаяла мя есть ревность Твоя, яко забыша словеса Твоя врази мой.
- 140.** Разжжено слово Твое зело, и раб Твой возлюбил е.
- 141.** Юнейший аз есмь и унижен, оправданий Твоих не забых.
- 142.** Правда Твоя правда во век, и закон Твой истина.
- 143.** Скорби и нужды обретоша мя, заповеди Твоя поучение мое.
- 144.** Правда свидения Твоя в век, вразуми мя, и жив буду.
- 145.** Возвах всем сердцем моим, услыши мя, Господи, оправдания Твоя взыщу.
- 146.** Возвах Ти, спаси мя, и сохраню свидения Твоя.
- 147.** Предварих в безгодии и возвах, на словеса Твоя уповах.
- 148.** Предваристе очи мой ко утру, поучитися словесем Твоим.
- 149.** Глас мой услыши, Господи, по милости Твоей: по судьбе Твоей живи мя.
- 150.** Приближишася гонящии мя беззаконием, от закона же Твоего удалишася.
- 151.** Близ еси Ты, Господи, и вси пути Твоя истина.
- 152.** Исперва познах от свидений Твоих, яко в век основал я еси.
- 153.** Виждь смирение мое и измени мя, яко закона Твоего не забых.
- 154.** Суди суд мой и избави мя, словеса ради Твоего живи мя.
- 155.** Далече от грешник спасение, яко оправданий Твоих не взыскаша.
- 156.** Щедроты Твоя многи, Господи, по судьбе Твоей живи мя.

157. Мнози изгонящи мя и стужающи ми, от свидений Твоих не уклонихся.
 158. Видех неразумеваяущия и истаях, яко словес Твоих не сохраниша.
 159. Видь, яко заповеди Твоя возлюбих, Господи, по милости Твоей живи мя.
 160. Начало словес Твоих истина, и во век вся судьбы правды Твоея.
 161. Князи погнаша мя туне, и от словес Твоих убояся сердце мое.
 162. Возрадоуюся аз о словесех Твоих, яко обретаяй корысть многу.
 163. Неправду возненавидех и омерзих, закон же Твой возлюбих.
 164. Седмерицею днем хвалих Тя о судьбах правды Твоея.
 165. Мир мног любящим закон Твой, и несть им соблазна.
 166. Чаях спасения Твоего, Господи, и заповеди Твоя возлюбих.
 167. Сохрани душа моя свидения Твоя и возлюбил я зело.
 168. Сохраних заповеди Твоя и свидения Твоя, яко вси путие мой пред Тобою, Господи.
 169. Да приблизится моление мое пред Тя, Господи, по словеси Твоему вразуми мя.
 170. Да внидет прошение мое пред Тя, Господи, по словеси Твоему избави мя.
 171. Отрыгнут устне мой пение, егда научиши мя оправданием Твоим.
 172. Провещает язык мой словеса Твоя, яко вся заповеди Твоя правда.
 173. Да будет рука Твоя еже спасти мя, яко заповеди Твоя изволих.
 174. Возжелал спасение Твое, Господи, и закон Твой поучение мое есть.

175

Жи - ва будет душа моя и вос - хва - лит Тя, и судьбы Твоя по -

176

мо - гут мне. Спа - се, спа-си мя. За - блудих, яко ов - ча

по - гиб - ше - е, взы - щи раба Твоего, яко заповедей Тво -

их не за - бых. Спа - се, спа-си мя.

И по сем:

Тропари мертвых, глас 5:

Припев: Благословен еси Господи,/ научи мя оправданием Твоим.

Святых лик обрете источник жизни и дверь райскую,/ да обрящу и аз путь покаянием:/ погибшее овча аз есмь,/ воззови мя Спасе, и спаси мя.

Благословен еси Господи: Агнца Божия проповедавшие,/ и заклани бывше якоже агнцы,/ и к жизни нестареемей святии,/ и присносущней преставльшися./ Того прилежно мученицы молите,/ долгов разрешение нам даровати.

Благословен еси Господи: В путь узкий хождшии прискорбный,/ вси в житии крест яко ярем взявшии,/ и Мне последовавшии верою,/ приидите насладитесь,/ ихже уготовах вам почестей,/ и венцов небесных.

Благословен еси Господи: Образ есмь неизреченная Твоя славы,/ аще и язвы ношу прегрешений:/ ущедри Твое создание Владыко,/ и очисти Твоим благоутробием,/ и возжеленное отечество подаждь ми,/ рая паки жителя мя сотворяя.

Благословен еси Господи: Древле убо от не сущих создавый мя,/ и образом Твоим Божественным почтый,/ преступлением же заповеди/ паки мя возвративый в землю, от неяже взят бых,/ на еже по подобию возведи/ древнею добротою возобразитися.

Благословен еси Господи: Упокой Боже рабы Твоя,/ и учини я в рай,/ идеже лица святых Господи,/ и праведницы сияют яко светила,/ усопшия рабы Твоя упокой,/ презирая их вся согрешения.

Слава: Трисиятельное единого Божества, благочестно поем вопиюще:/ Свят еси Отче Безначальный,/ Собезначальный Сыне, и Божественный Духе:/ просвети нас верою Тебе служащих,/ и вечного огня исхити.

И ныне: Радуйся Чистая, Бога плотию рождающая во спасение всех,/ Еюже род человеческий обрете спасение:/ Тобою да обрящем рай,/ Богородице Чистая благословенная.

Аллилуия, аллилуия, аллилуия, слава Тебе Боже. Трижды.

Посем ектенія о усопших: Паки и паки:

Иерей молитву: Боже духов: **Мы же:** Господи помилуй, 40.

И по возгласе седален, глас 5:

Покóй Спа́се на́ш,/ с праведными рабы́ Тво́я,/ и сия́ всели во дворы́ Тво́я,/ я́коже есть пи́сано:/ презирая яко благ прегрешéния их/ вóльная и не вóльная, // и вся яже в ведении и не в ведении, Человéколю́бче.

Слава, и ныне, Богородичен:

От Дéвы возсиявый миру Христе Бóже, // и сыны света Тою показáвый, помíлуй на́с.

Стихословим же: Господеви поем:

Канон же поем святаго обители на 6: И Триоди на 8. Поет же ся и вторая песнь без стихословия. И песни Псалтира. Канон Студита творение, в Троичных и Богородичных тропарех краестрочие: Недостойнаго Феодора. Глас 8.

Песнь 1:

Ирмос: Песнь възслем людіе/ чудному Богу нашему,/ свободившему Израиля от рабóты,/ песнь победную поюще и вопіюще:// поим Тебе единому Владыце.

Вси помолимся Христу,/ творяще память днесь от века мертвых,/ да вечнаго огня избавит я в вере усопшия,/ и надежде жизни вечныя.

Глубиною судеб Твоих Христе,/ Всепремудре Ты предопределил еси/ коегождо кончину жизни, предел и образ./ Темже яже покры гроб во всякой стране,/ на суде спаси Всещедрый.

Пределы жизни наша давый,/ темже усопшия от житейския ноши,/ дне невечернаго сыны покажи Господи,/ священники православныя, и вся верныя люди Твоя.

Яже покры вода, и брань пожат,/ трус же яже объят, и убийцы убиша,/ и огонь яже попали, верныя,/ Милостиве в части учини праведных.

Вся презираяй плотския долги наша Спасе наш,/ во всяком возрасте всего рода человека,/ пред судищем Твоим постави неосуждены,/ Тебе Создателю отвечающия.

Слава, Троичен: Три единаго Естества пою, Лица самоипостасная,/ нерожденна Отца, Сына рождшагося, и Духа Святаго:/ безначальное Царство, власть, Божество едино.

Богородичен: Воистинну Ты явилася еси небо на земли,/ большее вышняго небесе, Безневестная Дево:/ из Тебе бо возсия Солнце в мире, владычествуяй правдою.

Катавасия: Песнь възслем людіе:

Песнь 2:

Ирмос: Видите видите,/ яко Аз есмь Бóг ваш,/ прежде век рождённый от Отца,/ и от Девы в последняя без мужа зачёншийся/ и разрушивый грех праотца Адама,// яко Человёколюбец.

Видите видите, яко Аз есмь Бог ваш,/ праведным судом водрузивый пределы жизни,/ в нетление от тли приемляй вся усопшия/ в надежди вечнаго воскресения.

От четырех конец Господи, приемляй верно усопшия,/ в мори, или на земли, или в реках, источницех, или езерех,/ или в ровенницех снесь зверем бывшия, и птицам, и гадом, вся упокой.

В Твоей длани всяческая Господи,/ предразсудил еси, разрешшиися в составы четыри:/ в пришествии Твоём собрав воскреси,/ вся яже в неведении, и разуме, прощая тем прегрешения.

О страшнаго Твоего втораго, Господи, пришествия!/ Зане яко в виде молнии на землю пришед,/ воздвигнеши все создание Твое судитися,/ в вере Тебе тогда поживших,/ сретших Тя с Тобою быти сподоби.

Слава, Троичен: Пресовершенная Единице, Пребожественная, Триипостасная,/ нерожденне Отче и Сыне Единородне, Душе от Отца исходяй, Сыном же являяйся:/ Существо едино и Естество, Господство, Царство, спаси всех нас.

Богородичен: Неизглаголанное чудо Твоего Рождества Мати Дево:/ како бо и раж-

даеши, и Чиста еси в томже?/ Како Отроча раждаеши, и не веси искуса мужеска отнюд?/ Якоже вестъ паче естества от Мене новолепно Слово Божие рождшееся.

Катавасия: Видите видите, яко Аз:

Песнь 3:

Ирмос: Утверждаей рукою Твоею, Слове Бóжий небеса́,/ просвещением Твоего истиннаго познáния, // утверди и нас на Тя надéющихсяъ сердца́.

Прешедшия жития течение, / в славе благочестной праведным одеются венцем сподоби Боже, / и вечных благ насладитися.

Напрасно восхищенные, попадаемые от молнии, / и измерзшия мразом, и всякою ранюю, / упокой Боже, егда огнем вся искусиши.

Присномутное жития море преплывшия, Христе, / в нетленное Твоего жития сподоби пристанище притещи, / православным житием окормленыя.

Ихже всякое естество морских и птиц небесных, / прият снедение Христе, Твоими судьбами, / воскреси Боже, в последний день со славою.

Слава, Троицен: Умно Божественную Единицу, / в три Лица просто купно еже пресеци совокупаю несекомая: / якоже бо скорость молнии, трисияющая видится во единстве.

Богородичен: Недоуменное Твое чудо: без мужа бо раждаеши, / и девство Твое Чистая, соблюдаеши рождши. / Темже ангел множество, и человеческий род поет Тя во веки.

Катавасия: Утверждаей рукою:

Седален, глас 5.

Подобен: Собезначальное Слово:

Нáс ради претерпевый Крѣст и смѣрть, / и умертвивый ад, и совоскресивый мѣртвыя, / престáвльшиися от нас Спасе, упокой, яко Человеколюбец Бóг, / и в трѣпетное и страшное пришествие Твое Жизнодáвче, / яко имеяй множество мѣлости, // Царствия Твоегó сподóби.

Слава, **тойже.**

И ныне, Богородичен:

Скóрый Тво́й покрóв, / и помощь и милость покажи на рабѣх Твои́х, / и вóлны Чистая, укроти суетных помышлѣний, / и пáдшую душу мою возстави Богорóдице: / вем бо, вем Дево, яко мóжеши, // ели́ка и хóщещи.

Песнь 4:

Ирмос: Из горы приосененныя Сло́ве, проро́к,/ единыя Богоро́дицы,/ хотяще воплотитися, богови́дно усмотри́, // и со страхом славосло́вяше си́лу Твою́.

Отцы и праотцы, деды и прадеды,/ от первых и даже до последних,/ во благозаконии умершие и благоверии,/ вся помяни Спасе наш.

В горе, на пути, на местех пустых житие оставльшия в вере,/ монахи же и бельцы, юноши и старцы,/ со святыми Христе всели.

От печали и радости прешедшия ненадежно,/ верою абие пременившия житие,/ в благоденствии пострадавшия, или злоденствию,/ вся упокой Спасе наш.

Яже уби мечь, и конь совосхити,/ град, снег и туча умноженная:/ яже удави плинфа, или персть посыпа,/ Христе Спасе наш упокой.

Слава, Троицен: Странно яко едино, и три,/ Божество все по единому Лицу нераздельно:/ Отец бо, Сын, и Дух Святой есть покланяемь, яко един Бог.

Богородичен: Направи нас Дево, молитвами Твоими,/ окормляющи обуреваемыя волною греха,/ во спасительная пристанища, Господородительнице,/ избавляющи от всяких лютых.

Катавасия: Из горы приосененныя:

Песнь 5:

Ирмос: Утренюет дух мой к Тебе Бо́же,/ зане свет повеления пришёствия Твоего́:/ имиже убо озари ум наш Влады́ко, // и настави на стезю́ жи́зни.

Коегождо память умерших благочестно/ от века днесь творяще Господи,/ прилежно Ти вопием:/ вся упокой со святыми Твоими.

От всякаго, яже приял еси, рода и рода/ в царех, в князех, или монашествующих православныя, Щедре,/ вечнаго избави мучения.

Всех яже создал еси полезная ведый,/ имже попустил еси Господи, внезапными падежми ненадежно умрети,/ избави муки всякия Боже наш.

Огня присно палящаго, и от тьмы несветимыя,/ скрежета зубнаго, и червья безконечно мучащаго и всякаго мучения/ избави Спасе наш, вся верно умершия.

Слава, Троицен: Единопрестольная, безначальная, Триипостасная Единице,/ разделением Единство, и вопротив Лицы Естество имущая,/ во едино нас совокупи хотение Твоих заповедей.

Богородичен: Паче огнезрачных серафимов явилася еси Чистая Честнейшая,/ породши сим неприступнаго Иисуса Спаса,/ воплощением обожившаго земнородных смешение.

Катавасия: Утренюет дух мой:

Песнь 6:

Ирмос: Содержима мя приими Человеколюбче, грехи мно́гими/ и припадающа щедрóтам Твои́м, // яко пророка Го́споди, и спаси́ мя.

Смерти разрешив болезни, пострадав Начальниче жизни Боже наш,/ усопшия от века рабы Твоя упокой.

Неизглаголанними Твоими судьбами,/ яже убиша чаровная напоения, отравы, ко-
стная удушения,/ со святыми Господи упокой.

Егда судити будеши всяческим,/ стоящим нагим и откровенным пред лицом Твоим:/
тогда Щедре, пощади послужившия Ти верно Боже.

Последнею убо трубою вострубившу Твоему Архангелу,/ в воскресение жизни/
всех, тогда Христе, рабы Твоя упокой.

От века яже приял еси верныя Боже,/ род всякий человеческий сподоби,/ во веки
со служащими Тебе, славити Тя.

Слава, Троицен: Богоначалие Трисвятое, единопрестольное,/ Отче, Сыне со Свя-
тым Духом,/ Ты еси Бог мой, вседержительством Твоим содержи все.

Богородичен: От корене твоего возсия цвет жизни,/ Иесее праотче възграй/ спа-
саяй мир, от Чистыя Отроковицы Христос Бог.

Катавасия: Содержима мя:

Кондак:

Со святыми упокой/ Христе, души раб Твоих,/ идеже
несть болезнь, ни печаль,/ ни въздыхание,/ но жизнь
безконечная.

Икос:

Сам един еси Безсмертный,/ сотвори́вый и созда́вый че-
лове́ка:/ земнии убо от земли́ созда́хомся,/ и в зёмлю
туюжде по́йдем,/ якоже повелёл еси́,/ созда́вый мя́ и ре-
кий ми́:/ яко земля еси, и в землю оты́деши:/ амо́же вси
чловецы по́йдем,/ надгробное рыда́ние, творяще
песнь:// аллилуия, аллилуия, аллилуия.

Синаксарий первее Минеи: таже Триоди.

Песнь 7:

Ирмос: В начале землю основа́вый,/ и небеса Словом ут-
верди́вый,/ благословен еси во ве́ки,// Господи Боже
Оте́ц на́ших.

Благочестно от века преставльшихся память творяще, вопием:/ благословен еси во
веки, Господи Боже Отец наших.

Внезапу благочестно умершия, и от стремнины всяческия падшия,/ дерева, железа,
всякаго камене,/ упокой Боже усопшия верныя.

В страшное Твое пришествие Щедре, одесную овец Твоих постави,/ православно
Ти в жизни послужившия Христе, и преставльшиися к Тебе.

В лице Христе, избранных Твоих вчини Твоя рабы, вопити Тебе:/ благословен еси
во веки, Господи Боже Отец наших.

От земли персть содетельствовавый,/ плоть Духом оживотворивый, Спасе Щедрый,
яже приял еси, упокой Боже, в нестареющем животе.

Слава, Троицен: Якоже трети солнца Божество,/ единым света срастворением да
воспоется,/ Отец, и Сын, и Божественный Дух,/ един Естеством, но три Ипостась-
ми.

Богородичен: Давидское согласно воспеваем Ти пение,/ гору Тя Божию нарицающе Дево,/ в нейже вселився плотию Слово,/ обоготвори нас духовно в Себе.

Катавасия: В начале землю основавый:

Песнь 8:

Ирмос: На горе святей просла́вльшася,/ и в купине огнем Приснодевы Моисеови тайну я́вльшаго,// Господа пойте и превозносите во вся ве́ки.

Сокрушивый первее сень смертную,/ возсияв яко солнце из гроба,/ сыны Воскресения Твоего сотвори, Господи славы,/ вся умершия в вере, во веки.

Безвестных и сокровенных Сведетелю,/ егда имаши открыти дела тьмы и советы сердец наших,/ тогда не истяжи слова со всеми верою усопшими.

Егда имаши сести на престоле, и повелиши на суд предстати,/ собранным трубою от конец земли:/ тогда пощади всех Христе, яко Милостивый.

Умершим напрасно от случаев,/ от клича же зельнаго и скорого течения,/ зашения, удушения же, и лягания,/ Господи славы, верою усопшим ослаби во веки.

Благословим Отца и Сына, и Святаго Духа, Господа.

Яко Единицу Существом пою Тя,/ яко Троицу Лицы Тя чту:/ Отче, и Сыне, и Душе Пресвятой,/ безначальную державу Твоего Царствия славлю во веки.

Богородичен: Струи живыя источник запечатленный, показалася еси Богородице Дево:/ без мужа бо Господа рождши,/ безсмертия верныя напаяеши водою во веки. Хвалим, благословим, покланяемся Господеви, поюще, и превозносяще во вся веки.

Ирмос: На горе святей прославльшася:

Песнь 9:

Ирмос: Проявленное на горе зако́нополо́жнику/ во огни и купинé/ Рождество́ Присноде́вы,/ в наше верных спасе́ние,// песньми немóлчными велича́ем.

Идеже есть веселящихся жилище святых Твоих Господи,/ вся от века усопшия, в вере же и надежди радоватися сподоби.

Умершия Божиим прещением,/ смертных громов всяких с небесе изнесенных,/ земли разседшейся, морю возшумевшуся,/ вся верныя Христе, упокой.

Всякий возраст, старцы и юныя,/ младенцы и дети, и ссуция млеко,/ мужское естество и женское,/ упокой Боже, яже приял еси верныя.

От ядовитых угрызений умершия,/ от поглощения змиев, от попрания коней,/ и от удушения, и обещения от искренняго,/ верою Ти послужившия упокой.

Коегождо по имени в вере умершия,/ от века и от рода родов,/ неосужденно предстати Тебе Слове,/ в пришествии Твоем сподоби.

Слава, Троицен: Единый в Троице Боже, слава Тебе непрестанно:/ аще бо и Бог Кийждо, но един Естеством есть,/ Отец, и Сын, и Дух, трисветлыми свойствы.

Богородичен: Паче ума Рождество Твое: раждаеши бо прежде Сущаго,/ и млеко питаеши несказанно, Пищедавец миру:/ держиши же содержащаго вся, Христа единаго/ Избавителя нашего, Всенепорочная.

Катавасия: Проявленное на горе законоположнику:

Ексапостиларий.

Подобен: Небо звездами:

Живыми и мертвыми обладай яко Бог,/ упокой Твоя рабы в селениях избранных:/ аще бо и согресиша, Спасе, но не отступиша от Тебе.

Слава: Другий.
Подобен: Жены услышите:

Упокой рабы Твоя во стране живых Господи,/ отонудуже отбеже болезнь, печаль вкупе и воздыхание:/ очисти яко Человеколюбец, яже в житии согресиша:/ един бо безгрешный еси и милостивый,/ мертвых и живых Владыка.

Богородичен: Марие Богоневесто, Христа непрестанно моли о нас рабех Твоих,/ с богоглаголивыми пророки, и мученик соборы,/ иерархи же и преподобными, и всеми праведными,/ снаследники быти Небеснаго Царствия.

НА ХВАЛИТЕХ СТИХИРЫ, НА 4, ГЛАС 8.

Подобен: Во Едеме рай:

Приидите прежде конца вси бр́атие,/ пёрсть нашу видяще, и естества нашего немощно́е,/ и худость нашу и конёц ўзрим,/ и орга́ны сосуда плотна́го,/ и яко прах человек, снeдь червиem и тлeние,/ яко сухия кóсти на́ша/ вся́ко не имущия дыхáния./ Во гробы вникнем, где сла́ва?/ Где добрóта зра́ка?/ Гдe благоглаго́ливый язы́к?/ Где брови? Или где óко?/ Вся пра́х и сeнь:// темже пощади Спасе, всéх нас.

Что́ прельщается человек хваля́ся?/ Что всуе смуща́ется?/ Брeние и сам вмале?/ Что́ не помышля́ет пёрсть,/ яко прах, смешeние,/ и гно́я и тления отложeние?/ Аще убо брeние есмы челове́цы,/ что прилепи́хомся земли́?/ И а́ще Христу есмы́ сродни́,/ что́ не притека́ем к Нему́?/ И вси отвергше привременную и теку́щую жи́знь,/ жи́зни нетленней последующе, яже е́сть Христо́с, // просвещeние душ на́ших.

Рукóю Твоею создавый Ада́ма,/ и поста́вивый предел нетления и мертвости Спа́се,/ и жи́зни во благода́ти,/ тлeния же пременивый, к первой преложив жи́зни,/ Сам рабы Твоя Владыко, яже прия́л еси от нас,/ с пра́ведны-ми упокой, и в лице избр́анных:/ и сiх имена написав в книзе живóтней,/ и воскресив во гласе архангелове, и тру́бы шумe, // сподоби я Небеснаго Ца́рствия Твоего́.

Христос воскресе, разрешив узы Адама перво-
зданнаго,/ и адову разрушив крепость./ Дерзайте
все мертвии:/ умертвися смерть, пленен бысть и ад
с нею,/ и Христос воцарися, распныйся и воскре-
сый./ Той нам дарова нетление плоти,/ Той воздви-
зает нас, и дарует воскресение нам,/ и славы оныя
с веселием вся сподобляет, // в вере непреклонней
веровавшия тепле в Него.

Слава, глас 2, мертвен:

Яко цвет увядает, и яко сень мимо грядет,/ и раз-
рушается всякий человек./ Паки же гласящей тру-
бе,/ мертвии все яко в трусе востанут/ к Твоему
сретению Христе Боже:/ тогда Владыко, яже пре-
ставил еси от нас,/ во святых Твоих учини селениих
духи, Владыко, // Твоих рабов присно.

И ныне, Богородичен:

Радуйся Марие Богородице,/ храме неразоримый,
паче же святей,/ якоже вопиет пророк, // святей
храм Твой, дивный в правду.

НА СТИХОВНЕ

подобны стихи, Феофана, Осмогласника по гласу:

Слава, глас 6, Дамаскиново:

Болезнь Адаму бысть древа вкушением древле во
Едеме,/ егда змий яд излевал:/ тем бо вниде смерть
всеродная, снедающая человека./ Но пришед Вла-
дыка низложи змия,/ и упокоение нам дарова,/ к
Нему убо возопийм:/ пощади Спасе, и яже приял
еси, // со избранными Твоими упокой.

И ныне, Богородичен, глас тойже:

Ты еси Бог наш вся в мудрости содеваяй и соверша́яй,/ пророки послал еси Христе, прореци Твое прише́ствие,/ и апостолы, проповедати Твоя вели́чия./ И овии убо прорекоша прише́ствие Твоё,/ овии же крещением просветиша язы́ки:/ му́ченицы же пострадавшие, прияша яже возжелáху./ И молит Тя лик обоих, с Ро́ждшею Тя:/ упокой Боже души, яже прия́л еси́,/ и нас сподоби Ца́рствия Твоего́,/ Крест претерпевый мене ради осужде́ннаго, // Избавителю мо́й и Бо́же.

Благо есть исповедатися: Трисвятое.

Тропарь, глас 8:

Глубиною мудрости человеколюбно вся стрóяй,/ и полезное всем подава́яй,/ еди́не Содéтелю, упокой Господи, души ра́б Твои́х:/ на Тя бо упова́ние возложи́ша, // Творца́ и Зижди́теля и Бога на́шего.

Слава, и ныне, Богородичен, глас тойже:

Тебе́ и стéну, и пристанище́ и́мамы,/ и моли́твенницу благоприятну к Бо́гу, // Его́же родила́ еси Богородице безневестная, верных спасéние.

Присовокупляем же и первый час. И отпуст.

НА ЛИТУРГИИ

Изобразительная: и от канона Триоди, песнь 3-я, и 6-я.

Тропарь, глас 8:

Глубиною мудрости человеколюбно вся стрóяй,/ и полезное всем подавáяй,/ едíне Содéтелю, упокой Господи, души ра́б Твои́х:/ на Тя́ бо упováние возложи́ша, // Творца́ и Зижди́теля и Бога на́шего.

Слава, кондак, глас 8:

Со святыми упокой/ Христе, души раб Твоих,/ идеже несть болезнь, ни печаль,/ ни воздыхание,/ но жизнь безконечная.

И ныне, Богородичен, глас тойже:

Тебé и стéну, и пристанище íмамы,/ и моли́твенницу благоприятну к Бо́гу, // Егóже родила́ еси Богородице безневестная, верных спасéние.

Прокимен Апостола, глас 6: Души их/ во благих водворятся. **Стих:** К Тебе Господи, воздвигох душу мою.

Апостол Коринфяном, зачало 146: Братие, вся ми леть суть, но не вся на пользу: вся ми леть суть, но не вся назидают. Никтоже своего си да ищет, но еже ближняго койждо. Все, еже на торжищи продаемое, ядите, ничтоже сумнящися, за совесть. Господня бо земля и исполнение ея. Аще ли кто от неверных призывает вы, и хотите ити, все предлагаемое вам ядите, ничтоже сумнящися, за совесть. Аще ли же кто вам речет: сие идоложертвенно есть: не ядите за оного поведавшего, и совесть. Господня бо земля и исполнение ея.

Другий за упокой, к Солуняном, зачало 270: Братие, не хочу вас неведети о умерших, да не скорбите, якоже и прочии не имущии упования. Аще бо веруем, яко Иисус умре и воскресе, тако и Бог умерших во Иисусе приведет с Ним. Сие бо вам глаголем словом Господним, яко мы живущии, оставшии в пришествие Господне, не имамы предврити умерших. Яко Сам Господь в повелении, во гласе Архангелове и в трубе Божии снидет с небесе, и мертвии о Христе воскреснут первее. Потом же мы, живущии оставшии, купно с ними восхищени будем на облацех в сретение Господне на воздусе, и тако всегда с Господем будем.

Аллилуия, глас 6: Блажени, яже избрал, и приял еси Господи. **Стих:** И память их в род и род.

Евангелие от Луки, зачало 105: Рече Господь: блюдите, да не прельщени будете: мнози бо приидут во имя Мое, глаголюще, яко Аз есмь, и время приближися. Не изыдите убо во след их. Егда же услышите брани и нестроения, не убойтесь: подобает бо сим быти прежде, но не у абие кончина. И будут знамения в солнце, и луне и звездах: и на земли туга языком от нечаяния, шума морскаго и возмущения, издыхающим человеком от страха и чаяния грядущих на вселенную: силы бо небесныя подвигнутся. И тогда узрят Сына Человеческа грядуща на облацех с силою и славою многою. Небо и земля мимо идет, а словеса Моя не имут прейти. Внемлите же себе, да не когда отягчают сердца ваша объядением и пьянством и печальми житейскими, и найдет на вы внезапно день той. Яко сеть бо прииде на вся живущия на лица всея земли. Бдите убо на всяко время молящися, да сподобитесь убежати всех сих хотящих быти, и стати пред Сыном Человеческим.

Другое усопшим, от Иоанна, зачало 16: Рече Господь ко пришедшим к Нему иудеем: аминь, аминь глаголю вам, яко слушаый словесе Моего и веруяый Пославленному Мя, имать живот вечный, и на суд не приидет, но преидет от смерти в живот. Аминь, аминь глаголю вам, яко грядет час, и ныне есть, егда мертвии услышат глас Сына Божия, и услышавше оживут. Якоже бо Отец имать живот в Себе, тако даст и Сынови живот имети в Себе. И область даст Ему и суд творити, яко Сын Человечь есть, не дивитесь сему. Яко грядет час, воньже вси сущии во гробех услышат глас Сына Божия, и изыдут сотворшии благая в воскрешение живота, а сотворшии злая в воскрешение суда. Не могу Аз о Себе творити ничесоже. Якоже слышу, сужду, и суд Мой праведен есть, яко не ищу воли Моея, но воли пославшаго Мя Отца.

Поем Достойно есть:

Киноник: Блажени, яже избрал, и приял еси Господи, и память их в род и род.

Ведати же подобает, яко сие последование бывает непременно и в субботу святыя Пятьдесятницы.